



Broj: 05/2-11/3-322/26
Velika Kladuša, 18.02.2026. godine

Na osnovu člana 17. i 18. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), Općinski načelnik Općine Velika Kladuša, donio je

POSEBNU ODLUKU

o izmjeni Plana JN-i i pokretanju postupka javne nabavke – otvoreni postupak sa zaključivanjem okvirnog sporazuma o javnoj nabavci radova.

Član 1.

Ovom Odlukom vrši se izmjena Plana JN-i za 2026. godinu na način da se kod planirane nabavke (redni broj 86.) radovi – rušenje bespravno izgrađenih objekata na području općine Velika Kladuša vrsta ugovora mijenja u okvirni sporazum.

Istovremeno, predmetnom odlukom pokreće se postupak javne nabavke – Otvoreni postupak sa zaključivanjem okvirnog sporazuma o javnoj nabavci radova - rušenje bespravno izgrađenih objekata na području općine Velika Kladuša.

Član 2.

Procijenjena vrijednost nabavke iz člana 1. ove Odluke iznosi 34.188,00 KM bez PDV-a, a sredstva za ove namjene obezbjeđuju se u Budžetu Općine velika Kladuša za 2026. godinu, ekonomski kod: 613991-004.

Član 3.

Kriterij za dodjelu ugovora je: Najniža cijena.

Član 4.

Predmetnu javnu nabavku će provesti komisija koja je imenovana rješenjem Općinskog načelnika broj 02-04-3063/25 od 24.09.2025. godine i 02-04-3063-1/25 od 05.01.2026. godine.

Član 5.

Ova Odluka stupa na snagu danom donošenja a ima se objaviti na službenoj web stranici Općine Velika Kladuša.

O b r a z l o ž e n j e


Općina Velika Kladuša ima potrebu za provođenjem postupka javne nabavke radova – rušenja bespravno izgrađenih objekata, u cilju provođenja pravosnažnih rješenja nadležnih organa i uspostavljanja zakonitog stanja u prostoru. Imajući u vidu da dinamiku nastanka obaveza rušenja nije moguće unaprijed precizno planirati, kao ni tačan broj i obim potrebnih intervencija tokom godine, ukazala se potreba za zaključivanjem okvirnog sporazuma, kao najadekvatnijeg oblika ugovornog odnosa koji omogućava fleksibilno i efikasno angažovanje izvođača u skladu sa stvarnim potrebama naručioca, uz istovremeno poštivanje principa transparentnosti, ekonomičnosti i efikasnog trošenja budžetskih sredstava, u skladu sa Zakonom o javnim nabavkama Bosne i Hercegovine.


Planom javnih nabavki za 2026. godinu Općine Velika Kladuša, pod rednim brojem 86, planirana je nabavka radova – rušenje bespravno izgrađenih objekata na području općine. U važećem Planu, kao oblik ugovora predviđeno je zaključivanje ugovora o javnoj nabavci.

Međutim, imajući u vidu da se dinamika, broj i obim radova rušenja bespravno izgrađenih objekata ne mogu unaprijed precizno planirati, niti je moguće predvidjeti tačan vremenski okvir za realizaciju pojedinačnih intervencija tokom budžetske godine, ocijenjeno je da zaključivanje pojedinačnog ugovora ne predstavlja najefikasnije rješenje.

S obzirom na navedeno, ukazala se potreba za izmjenom Plana javnih nabavki na način da se kao oblik ugovora predvidi zaključivanje okvirnog sporazuma, koji omogućava fleksibilno i sukcesivno angažovanje izvođača u skladu sa stvarnim potrebama naručioca, uz poštivanje principa transparentnosti, konkurentnosti i ekonomičnog trošenja budžetskih sredstava, u skladu sa odredbama Zakona o javnim nabavkama Bosne i Hercegovine.

Obrađivač:


Aida Čerimagić

Kontrolisao:
Pomoćnik Općinskog načelnika za finansije,
računovodstvo i javne nabavke

Sebila Dervić-Melkić



DOSTAVITI:

1. Služba za upravu, društvene djelatnosti i zajedničke poslove (web stranica),
2. Služba za finansije, računovodstvo i javne nabavke
3. U spis.